

## OSNIVAČKA SKUPŠTINA ŽENSKE MREŽE BIH (ŽMIH)

1-2. juli 2014.

### ZAPISNIK

Skupštinu je pozdravila Jadranka Miličević, izvršna direktorica Fondacija Cure. Održavanje Skupštine je finansijski podržala Fondacija Friedrich Ebert. U ime fondacije učesnice je pozdravila Merima Ejubović.

Skupštinu vodi Dragana Todorović, aktivistica ženskih prava iz Srbije.

Na početku su se predstavile/i sve/i učesnice/i.

### Tačka 1

#### **Predstavljanje Platforme i Kodeksa**

Dragana Todorović je predstavila Platformu ŽMBiH: strukturu, vrijednosti, principe. Predstavljani su i drugi dijelovi Platforme: oblasti djelovanja ŽMBiH), zajedničke aktivnosti, obilježavanje dana ženskih prava u BiH, funkcionisanje ŽMBiH, strateški razvoj ŽMBiH. Predstavljen je takođe i Kodeks ŽMBiH, koji je dio Platforme ŽMBiH. Predstavljani su pojedini dijelovi Kodeksa: osnovna načela, principa i vrijednosti; članstvo (prava i obaveze), tijela ŽMBiH, komunikacija i saradnja, finansiranje rada ŽMBiH, djelovanje organizacija, kršenja kodeksa i platforme, završne odredbe.

#### *Zaključak:*

- Duška Andrić (Centar za pravnu pomoć ženama Zenica) predlaže redefinisane principe *antidiskriminacija* (unutar Platforme ŽMBiH), što će se diskutovati na sjednicama Koordinirajućeg odbora i na narednoj Skupštini;
- Selma Hadžihalilović (Lotos) predlaže da se na web stranici uvede spisak prevoditeljica za znakovni jezik, kako bi na neki način odgovorili na potrebe lingvističkih manjina;
- Dubravka Kovačević (Fondacija za ekonomsko osnaživanje žena) predlaže da se kriteriji za izbor koordinirajuće organizacije detaljno definišu. Proces treba da vodi Koordinirajući odbor, uz konsultacije sa svim punopravnim članicama ŽMBiH.
- Esma Drkenda (Seka Goražde) predlaže dopune teksta Platforme, koje je dostavila pismeno i koje će se uputiti na Koordinirajući odbor.

### Tačka 2

#### **Izbor Koordinirajućeg odbora**

Dragana Todorović je predstavila pravila glasanja. Za prebrojavanje glasova izabrane su: Mirsada Sijerčić iz Goražda, Dubravka Kovačević iz Sarajeva i Stanojka Tešić iz Bratunca. Jadranka Miličević je takođe učestvovala u prebrojavanju.

Listići za glasanje su podijeljeni organizacijama koje su popisale pristupnicu i koje učestvuju na skupštini ŽMBiH. Podijeljeno je ukupno 28 listića za 28 prisutnih organizacija (punopravnih članica).

Kandidatkinje za članstvo u Koordinirajućem odboru su se predstavile:

Danka Zelić, Udruženje građanki Grahovo

Emina Bošnjak, Sarajevski otvoreni centar, Sarajevo

Vedrana Frašto, Fondacija Cure, Sarajevo  
Ljiljana Čičković, Ženski centar, Trebinje  
Duška Andrić, Centar za pravnu pomoć ženama, Zenica  
Indira Bajramović, Bolja budućnost, Tuzla  
Diana Šehić, Prava za sve, Sarajevo  
Enisa Raković, Glas žene, Bihać

Izbrane su:

- Danka Zelić, Udruženje građanki Grahovo
- Emina Bošnjak, Sarajevski otvoreni centar, Sarajevo
- Vedrana Frašto, Fondacija Cure, Sarajevo
- Duška Andrić, Centar za pravnu pomoć ženama, Zenica
- Indira Bajramović, Bolja budućnost, Tuzla
- Diana Šehić, Prava za sve, Sarajevo
- Enisa Raković, Glas žene, Bihać

Koordinirajući odbor će zakazati svoju prvu sjednicu u narednom period.

### Tačka 3

#### Izbor Koordinirajuće organizacije

Jednoglasno je potvrđeno da će Fondacija Cure biti Koordinirajuća organizacija za naredne dvije godine, tj. do kraja juna 2016.

### Tačka 4

Prisutne na skupštini su informisane da je Platformu prihvatilo 9 dodatnih organizacija. Tih devet organizacija nažalost nisu mogle prisustvovati na samom zasjedanju Skupštine.

Koordinirajuća organizacija će objaviti registar svih punopravnih članica ŽMBiH na web stranici mreže, čim se web stranica izradi.

Zapisnik se šalje svim članicama koje su pristupile ŽMBiH.

Slijedeće učesnice Skupštine svojim potpisom potvrđuju ispravnost sadržaja zapisnika:

Danka Zelić   
Udruženje građanki Grahovo

Enisa Raković   
Glas žene, Bihać

Alma Erak   
Most, Višegrad

Indira Bajramović   
Bolja budućnost, Tuzla

Branka Antić Štauber   
Snaga žene, Tuzla

  
zapisničar Saša Gavrić  
Sarajevski otvoreni centar

